



Verneområdestyret
Setesdal Vesthei,
Ryfylkeheiane og
Frafjordheiane

Møteprotokoll

Utvalg: AU i verneområdestyret for SVR

Møtested: , Teams

Dato: 13.09.2022

Tidspunkt: 08:00 - 09:00

Følgende faste medlemmer møtte:

Navn	Funksjon	Reprerenterer
Gerd Helen Bø	Medlem	
Jonny Liland	Leder	
Inger Lise Lund Stulien	Medlem	
Steinar Kyrvestad	Medlem	

Følgende medlemmer hadde meldt forfall:

Navn	Funksjon	Reprerenterer
Bjørn Laugaland	MEDL	

Følgende varamedlemmer møtte:

Navn	Møtte for	Reprerenterer
Janne Nystøl		

Merknader:

Øvrige frammøtte:

Navn
Guro Sødergren
Jørn Trygve Haug
Alf Odden

Underskrift:

Vi bekrefter med underskriftene våre at det som er ført på de sidene vi har signert i møteboka, er i samsvar med det som ble vedtatt på møtet.

Saksliste

Utvalgs-saksnr	Innhold	Lukket	Arkiv-saksnr
AU 34/22	Godkjenning av innkalling og saksliste		
AU 35/22	Val av en representant til å skrive under møteprotokollen saman med styreleiar		
AU 36/22	Referatsaker		
AU 37/22	Orienteringssaker		
AU 38/22	Vurdering av om klage på vedtak i styresak 37/2022 skal gis oppsettjande verknad		2022/6124
AU 39/22	Søknad om tilleggdispensasjon til lågtflyging med helikopter i samband med filmopptak på Kjerag i Frøfjordheiane landskapsvernområde, gnr/bnr, 221/1, Sandnes kommune - Film in Norway		2022/6124
AU 40/22	Søknad om å slake ut sideterreng langs riksveg 9 nord for Hovden. Hovden landskapsvernområde og Setesdal Vesthei Ryfylkeheiane landskapsvernområde. Statens Vegvesen. Bykle kommune.		2022/5887
AU 41/22	Søknad om gjennomføring av skimarsj i Setesdal Vesthei Ryfylkeheiane landskapsvernområde. Forsvarets høgskole. Bykle kommune.		2022/1484
AU 42/22	Uttale til kommuneplan for Suldal.		2022/6049
AU 43/22	Høyring av beredskapsplan for omsyn til villrein i vanskelege vintrar		2022/7604
AU 44/22	Eventuelt		

AU 34/22 Godkjenning av innkalling og saksliste

Saksprotokoll i AU i verneområdestyret for SVR - 13.09.2022

Behandling

Vedtak

Innkalling og saksliste er godkjent utan merknad.

AU 35/22 Val av en representant til å skrive under møteprotokollen saman med styreleiar

Saksprotokoll i AU i verneområdestyret for SVR - 13.09.2022

Behandling

Vedtak

Gerd Helen Bø er vald til å skrive under protokollen saman med leiar.

AU 36/22 Referatsaker

Saksprotokoll i AU i verneområdestyret for SVR - 13.09.2022

Behandling

Vedtak

AU 37/22 Orienteringssaker

Saksprotokoll i AU i verneområdestyret for SVR - 13.09.2022

Behandling

Vedtak

Inga

AU 38/22 Vurdering av om klage på vedtak i styresak 37/2022 skal gis oppsettjande verknad

Forvalters innstilling

Klaga frå Naturvernforbundet i Rogland og Norges Jeger- og Fiskerforbund i Rogaland på verneområdestyret for SVR sitt vedtaket i styresak 37/2022, blir ikkje gitt oppsettjande verknad. Avslaget er gitt med heimel i forvaltningslovas §42.

Avslaget grunngjevast med at klagen gjeld ein dispensasjon til motorferdsel som vil gje ein avgrensa og forbigåande innverknad på naturmangfaldet i Frafjordheiane landskapsvernområde. Det er og lagt vekt på at dispensasjonen er utforma slik at motorferdsla vil medføre relativt liten forstyrring av fotturistane på Kjerag. Dei negative konsekvensane for verneverdiar og verneføremål blir derfor vurdert til å være såpass avgrensa at motorferdsla kan gjennomførast slik det er gitt dispensasjon til. Vurdering av presedensverknadane av vedtaket vil bli vurdert i verneområdestyret si førebunde klagehandsaming. Det visast og til saksutgreiinga under og dei omfattande vurderingane som er gjort i vedtaket og saksutgreiinga til Styresak 37/2022.

Vurdering av om klager skal gjevast oppsettjande verknad, blir etter forvaltningslovas §42 ikkje rekna som eit enkeltvedtak. Det er derfor ikkje mogleg å klage på dette avslaget.

Saksprotokoll i AU i verneområdestyret for SVR - 13.09.2022

Behandling

Vedtak

Samrøystes vedteken som innstilling.

AU 39/22 Søknad om tilleggsdispensasjon til lågtflyging med helikopter i samband med filmopptak på Kjerag i Frafjordheiane landskapsvernområde, gnr/bnr, 221/1, Sandnes kommune - Film in Norway

Forvalters innstilling

Med heimel i §2 og §3, punkt 5.1 i Føreskrift om vern av Frafjordheiane landskapsvernområde, får Film in Norway avslag på sin søknad om dispensasjon til lågtflyging for 25 transportar med langline, for frakt av utstyr i samband med filmopptak på Kjerag i to dagar i tidsrommet 15-30.09.2022.

Avslaget grunnjevast med at talet på helikoptertransportar er relativt høgt, og at tidspunkta for dei to dagane med helikoptertransport strekk seg utover varigheita på tidsvindauga som er fastsett i Forvaltningsplan for SVR.

Det blir og lagt vekt på at søker har tidlegare fått dispensasjon til 124 landingar med helikopter på Kjerag i tidsrommet 15-30.09.2022 til same filmproduksjon, og at søknaden nå går utover denne dispensasjonen. Når det samla talet på helikoptertransportar nå blir så høgt som 149, og aktiviteten strekk seg over ein periode på 10-15 dagar, vil ein tilleggsdispensasjon bidra til at ein går ennå lenger ut over rammene for denne type aktivitet som er sett i forvaltningsplanen. Ein dispensasjon vil derfor kunne gje presedensverknadar ved at ein legg seg på ein ny forvaltningspraksis kor det opnast for lengre og større filminnspelningar og såleis meir motorferdsel i verneområdet. Ein utviding av dispensasjonen med ytterlegare 25 transportar med helikopter vil og medføre ein betydeleg auke i den totale motorferdsla i Frafjordheiane. Ved å gi ein så omfattande dispensasjon, kan det og bli vanskelegare å oppretthalde ein streng forvaltningspraksis der alle søknadar blir nøye vurdert for å halde talet på helikopterlandingar i verneområda så lågt som mogleg. Motorferdsla det er søkt om blir derfor vurdert til å være i strid med verneføremålet. Det er såleis heller ikkje grunnlag for å gje dispensasjon etter §48 i naturmangfaldlova, første ledd. At transportane det nå søkast om ikkje inneberer fysisk landing på Kjerag blir ikkje tillagt avgjerande vekt.


Saksprotokoll i AU i verneområdestyret for SVR - 13.09.2022

Felles forslag fra AU:

Med heimel i §2 og §3, punkt 5.1 i Føreskrift om vern av Frafjordheiane landskapsvernområde, samt §48 i naturmangfaldslova, får Film in Norway dispensasjon til lågtflyging med helikopter til frakt av utstyr med langline i samband med filmopptak på Kjerag.

Dispensasjonen gjeld for inntil 25 transportar fordelt på to dagar for i tidsrommet 15-30.09.2022. Lågtflyginga med helikopter skal skje før kl 10.00 om morgonen og etter kl 18.00 om ettermiddagen. Transportane med helikopter skal skje til landingsplassen som blir brukt under Heliboogie slik det er vist på kartet i vedtaket, og det skal brukast flygeruter kor helikopteret kjem inn frå Lysefjorden. Dispensasjonen blir grunnsett med at helikopterlandingane skje på tidspunkt da det er svært få besøkande på Kjerag, slik at forstyringane av fotturistar blir svært avgrensa. Landingane skjer og på god avstand av Kjeragbolten og Nesatind som er dei mest besøkte stadane. På grunn av tida på året og det låga artsmangfaldet på Kjerag, vil ikkje helikopterlandingane har særleg innverknad på naturmangfaldet på staden. Det blir og lagt vekt på at denne filminnspelinga har ein heilt unik karakter slik at presedensverknadane blir avgrensa. Med i vurderinga teljar og at verneområdestyret alt har gitt dispensasjon til 124 landingar med helikopter og at denne utvidinga av dispensasjonen er nødvendig for å gjennomføre filmopptaka.

Kart over landingsplass og område for filminnspeling



Nytt framlegg samrøystes vedteken

Behandling

Vedtak

Felles forslag fra AU:

Med heimel i §2 og §3, punkt 5.1 i Føreskrift om vern av Frafjordheiane landskapsvernområde, samt §48 i naturmangfaldslova, får Film in Norway dispensasjon til lågtflyging med helikopter til frakt av utstyr med langline i samband med filmopptak på Kjerag.


Dispensasjonen gjeld for inntil 25 transportar fordelt på to dagar for i tidsrommet 15-30.09.2022.

Lågtflyginga med helikopter skal skje før kl 10.00 om morgonen og etter kl 18.00 om ettermiddagen.

Transportane med helikopter skal skje til landingsplassen som blir brukt under Heliboogie slik det er vist på kartet i vedtaket, og det skal brukast flygeruter kor helikopteret kjem inn frå Lysefjorden.

Dispensasjonen blir grunngitt med at helikopterlandingane skje på tidspunkt da det er svært få besøkande på Kjerag, slik at forstyringane av fotturistar blir svært avgrensa. Landingane skjer og på god avstand av Kjeragbolten og Nesatind som er dei mest besøkte stadane. På grunn av tida på året og det låga artsmangfaldet på Kjerag, vil ikkje helikopterlandingane har særleg innverknad på naturmangfaldet på staden. Det blir og lagt vekt på at denne filminnspeinga har ein heilt unik karakter slik at presedensverknadane blir avgrensa. Med i vurderinga teljar og at verneområdestyret alt har gitt dispensasjon til 124 landingar med helikopter og at denne utvidinga av dispensasjonen er nødvendig for å gjennomføre filmopptaka.

Kart over landingsplass og område for filminnspeing



Nytt framlegg samrøystes vedteken

AU 40/22 Søknad om å slake ut sideterreng langs riksveg 9 nord for Hovden. Hovden landskapsvernområde og Setesdal Vesthei Ryfylkeheiane landskapsvernområde. Statens Vegvesen. Bykle kommune.

Forvalters innstilling

Med heimel i naturmangfaldlova § 48 avslår arbeidsutvalet Statens Vegvesen sin søknad dagsett 1.7.2022 om utfylling av sidearealet på riksveg 9 nord for Hovden, liggjande i *Hovden landskapsvernområde* og *Setesdal Vesthei Ryfylkeheiane landskapsvernområde*.

Tiltaket inneber utlegging av fleire tusen kubikkmeter masse i verna areal. Tiltaka vil gi større endring i dreneringstilhøve og artssamansetning i verna areal, her under verna myrområde. I vurderinga er det lagt vekt på føre- var prinsippet i naturmangfaldlova og der det er naudsynt med meir detaljkunnskap om naturmangfold og naturmiljø i inngrepssona før det eventuelt kan gjevast løyve. Ut i frå dette vil tiltaket stri mot verneføremål og påverke verneverdiane nemneverdig. Det er såleis ikkje høve til å gi dispensasjon etter naturmangfoldlova § 48.

Tiltaket er også vurdert etter naturmangfaldlova § 48 si bestemming om det er naudsynt ut i frå tryggleik. Etter arbeidsutvalet si vurdering er grunngjevinga for tiltaket av generell karakter utan at det er dokumentert særskild behov på den konkrete strekninga og nødvendigheita av å prioritere akkurat denne strekninga på verna areal. Ut i frå dette kan det ikkje leggast avgjerande vekt på naturmangfaldlova si bestemming om tillating av tryggleiksomsyn.

Det er vegmyndigheitene som sitt med fagkompetansen på trafikktryggleik og førebygging, og i verneområdeforvaltninga bør ein normalt strekke seg langt for å tillate tiltak som kan betre tilhøva. Arbeidsutvalet er difor positiv til å vurdere ein omarbeida søknad som i større grad tar omsyn til verneverdiane. Vesentlege element i ein revidert søknad vil vera:

- Kartlegging av naturmangfald og naturmiljø langs vegstrekninga med siktemål å bevare særskild viktige biotopar.
- Avgrense tiltaka til å gjelde kortare strekk der det er stor høgdeforskjell mellom veg og sideareal og med størst gevinst i høve til trafikktryggleik.
- Unngå inngrep ut i ope vatn

I vidare prosess må søkar ha kontakt med fylkeskonservator for å sjekke ut om det er kulturminne som vert råka av inngrep.

Saksprotokoll i AU i verneområdestyret for SVR - 13.09.2022

Steinar Kyrvestad

Statens Vegvesen vert gjeven dispensasjon til å slake ut sideterrenget slik det er søkt om. Tiltaket er viktig i høve til å betre trafikktryggleiken og bygger såleis opp under null-visjonen i nasjonal strategi. Tiltaket vil også betre tilhøve for viltkryssing over vegen.
Framlegg frå Steinar Kyrvestad fekk ei røyst (Steinar Kyrvestad)

Jonny Liland

Saka vert utsett. Forvaltningssekretariatet vert beden om å hente inn utale frå Bykle kommune og deira syn på saka. Vidare får forvaltningssekretariatet i oppdrag å kalle inn Bykle kommune, Statens Vegvesen og forvaltningssekretariatet SVR til eit dialogmøte med siktemål å kome fram til ei løysing som alle partane kan gå god for. Om at tiltaket grunna finansiering må gjerast i 2022 ber arbeidsutvalet om at dei raskt får saka attende til ny handsaming.
Framlegg frå Jonny Liland fekk fire røyster (Inger Lise Lund Stulien, Jonny Liland, Gerd Helen Bø og Janne Nystøl)

Behandling

Vedtak

Saka vert utsett. Forvaltningssekretariatet vert beden om å hente inn utale frå Bykle kommune og deira syn på saka. Vidare får forvaltningssekretariatet i oppdrag å kalle inn Bykle kommune, Statens

Vegvesen og forvaltningssekretariatet SVR til eit dialogmøte med siktemål å kome fram til ei løysing som alle partane kan gå god for. Om at tiltaket grunna finansiering må gjerast i 2022 ber arbeidsutvalet om at dei raskt får saka attende til ny handsaming.

Framlegg frå Jonny Liland fekk fire røyster (Inger Lise Lund Stulien, Jonny Liland, Gerd Helen Bø og Janne Nystøl)

AU 41/22 Søknad om gjennomføring av skimarsj i Setesdal Vesthei Ryfylkeheiane landskapsvernområde. Forsvarets høgskole. Bykle kommune.

Forvalters innstilling

Med heimel i forskrift om vern av *Setesdal Vesthei Ryfylkeheiane landskapsvernområde* kap. 4 pkt. 4 og kap. 4 pkt. 4.1 gir arbeidsutvalet i verneområdestyret avslag på Forsvarets høgskole sin søknad om gjennomføring av skimarsj i området Kaldsfjell – Sloaros i Bykle kommune.

Arbeidsutvalet legg vekt på at øvinga er planlagt i eit viktig vinterbeiteområde og ei tid på året då villreinen er særleg sårbar for forstyrning. Ved gjennomføring er deltakarane spreidd over eit større område og over eit lengre tidsrom, og med fare for at det vil forstyrre villrein som beitar i område. Det vert lagt vekt på at villreinstamma i Setesdal Ryfylke alt er pressa frå fleire hald og der det ikkje er ønskjeleg å opne for ny omfattande aktivitet i dei mest sentrale vinterbeiteområda. Arbeidsutvalet syner her til *naturmangfaldlova* § 10 om økosystemtilnærming og samla belastning. Vidare vert det lagt vekt på at føremålet med øvinga primært er trening på fjellferd under vintertilhøve, og at søkar såleis bør kunne finne alternative område for gjennomføring der konfliktnivået er mindre. Arbeidsutvalet syner her til *naturmangfaldlova* § 12 om miljøforsvarlege teknikkar og driftsmetodar.

Saksprotokoll i AU i verneområdestyret for SVR - 13.09.2022

Behandling

Vedtak

Samrøystes vedteken som innstilling.

AU 42/22 Uttale til kommuneplan for Suldal.

Forvalters innstilling

Arbeidsutvalet (AU) i verneområdestyret for SVR har desse merknadane til Suldal kommune sin kommuneplan:

- Arbeidsutvalet er positiv til at det ikkje er lagt opp til nye utbyggingsområde nær opp til verneområda og at heiplanen sine omsynssoner fullt ut er integrert i arealdelen av kommuneplanen.
- I arealplankartet er det teikna inn ei relativt stor arealbrukssone ved Hydro sine anlegg ved Holmavassdammen i Holmavassåno biotopvernområde. Denne sona bør reduserast til berre å dekke sjølve kraftverksinstallasjonane på staden
- Arbeidsutvalet er positive til at kommunen legg opp til eit tydeleg skilje mellom store natur- og utmarksområde, og utbyggingsområde, slik det går fram av arealstrategien i samfunnsdelen.
- Suldal kommune skal ha ros for at sti- og løypeplanen slår fast at det ikkje skal opnast for nye stiar og løyper nær verneområda. Det er og positivt at sti- og løypeplanen inneheld retningslinjer om at nye løyper kan merkast dersom eksisterande løyper blir lagt ned. Sti- og løypeplanen tek såleis høgde for at ei større omlegging av turistforeiningas løypenett kan gjennomførast som eit avbøtande villreintiltak. Arbeidsutvalet meiner likevel at sti- og løypeplanen burde vore utarbeida som ein eigen temaplan eller kommunedelplan. Slik den no er innarbeida i samfunnsdelen vert den kortfatta og overordna utan at den går i djupna på problematiske sider ved eksisterande stiar og løyper. Særleg gjeld det tilhøve til villrein og rovfugl.

Saksprotokoll i AU i verneområdestyret for SVR - 13.09.2022

Behandling

Vedtak

Samrøystes vedteken som innstilling.

AU 43/22 Høyring av beredskapsplan for omsyn til villrein i vanskelege vintrar

Forvaltars innstilling

Arbeidsutvalet (AU) i verneområdestyret for SVR har ikkje merknadar til *beredskapsplanen for omsyn til villrein i vanskelege vintrar*. AU ser svært positivt på arbeidet som arbeidsgruppa har lagt ned. AU set stor pris på at det er laga ein slik plan, det vil vere ein god plan til neste gong villreinen får ein vanskeleg vinter. Det blir på ein god måte beskriven korleis ein skal skilje mellom normalår og ekstraordinære år. Det er nyttig at ansvaret for overvaking, vurdering, avgjersle og informasjon er tydeleg plassert.

Saksprotokoll i AU i verneområdestyret for SVR - 13.09.2022

Steinar Kyrvestad *Forslag til beredskapsplan vert teken til orientering.*

Røysting: nytt framlegg frå Steinar Kyrvestad vart samrøystes vedteken.

Behandling

Vedtak

Forslag til beredskapsplan vert teken til orientering.

Røysting: nytt framlegg frå Steinar Kyrvestad vart samrøystes vedteken.

AU 44/22 Eventuelt

Saksprotokoll i AU i verneområdestyret for SVR - 13.09.2022

Behandling

Forvaltar Jørn Haug informerte om søknad frå Agder Fylkeskommune om rassikringstiltak langs Brokke – Suleskardvegen i området aust for Urdevotni.

Arbeidsutvalet godkjenner at forvaltar handsamar saka delegert.

Vedtak

